

25.12.2025

Тропарь В четверг, апостолов, глас 3:

Апóстоли святіи,/ моліте Мíлостиваго Бóга,/ да прегрешéний
оставлéние// подáст душáм нáшим.

Тропарь, глас 4:

Правило веры и образ кротости, / воздержания учителя / яви ты стаду
твоему / Яже вещей Истина. / Сего ради стяжал еси смирением
величие, / нищетою богатая, / отче священноначальниче Николае, /
моли Христа Бога, / спастися душам нашим.

Тропарь свт. Спиридóна, епископа Тримифунтскаго, чудотворца, глас 1:

Собóра Пёрваго показáлся есí побóрник и чудотвóрец,/ Богонóсе
Спиридóне, óтче наш./ Тémже мёртву ты во грóбе возгласíв,/ и змию в
злáто претворíл есí,/ и внегдá пéти тебé святыя молítвы/ Áнгелы,
сослужáщия тебé, имел есí, священнейший./ Слáва Дáвшему тебé
крéпость,/ слáва Венчáвшему тя,/ слáва Дéйствующему тобóю всем
исцелéния.

Кондак В четверг, апостолов, глас 2:

Твёрдыя и боговещáнныя проповéдатели,/ верх апóстолов Тво́их,
Гóсподи,/ при́ял есí в наслаждéние благíх Тво́их и по́кой;/ болéзни бо
óнех и смерть при́ял есí пáче всякаго всеплóдия,// Едíне свéдый
сердéчная.

Кондак, глас 3:

В Мирех, святе, священнодействитель показался еси, / Христово бо,
преподобне, Евангелие исполнив, / положил еси душу твою о людех
твоих / и спасл еси неповинныя от смерти. / Сего ради освятился еси, /
яко великий таинник Божия благодати.

Кондак свт. Спиридóна, епископа Тримифунтскаго, чудотворца, глас 2:

Любóвию Христóвою уязв́ився священнейший,/ ум вперíв зарéю Дúха,/
дéтельным видéнием тво́им дея́ние обрéл есí, Богоприятне,/
жéртвенник Божéственный быв,/ прося́ всем Божéственного сия́ния.

Сла́ва Отцу́, и Сы́ну, и Свято́му Ду́ху.

Кондак за умерших, глас 8:

Со святы́ми упоко́й,/ Христé,/ ду́ши раб Твои́х,/ иде́же несть болéзнь,
ни печа́ль,/ ни воздыха́ние,// но жизнь безконéчная.

И ны́не, и прісно, и во ве́ки веко́в. Ами́нь.

Кондак Пресвятой Богородице, глас 6:

Предста́тельство христиа́н непосты́дное,/ ходата́йство ко Творцу́
непрело́жное,/ не прéзри грéшных моле́ний гла́сы,/ но предвари́, я́ко
Блага́я, на по́мощь нас,/ ве́рно зову́щих Ти:/ ускори́ на моли́тву и
потщи́ся на умоле́ние,// предста́тельствующи прісно, Богоро́дице,
чту́щих Тя.

Прокимен, глас 8: Во всю зе́млю изы́де веща́ние их, / и в концы́
вселénныя глаго́лы их.

Ин Прокимен, глас 1: Уста́ моя возглаго́лют премúдрость, / и поучéние
се́рдца моего́ ра́зум.

Причастен: Во всю зе́млю изы́де веща́ние их, и в концы́ вселénныя
глаго́лы их.

В па́мь ве́чную бу́дет пра́ведник, от слýха зла не убо́ится.

Аллилу́иа. Аллилу́иа. Аллилу́иа.